



UNIVERSITÄTS-
BIBLIOTHEK
PADERBORN

**Chronologiae Veteris Testamenti Accvratvm Examen
Augustißimæ, Invictissimæq[ue] Domui Austriacæ
Dicatvm**

Philippi, Henricus

Coloniae Agrippinae, 1637

24. [i.e. 14.] De annis Iosaphat regis Iuda.

[urn:nbn:de:hbz:466:1-64340](https://nbn-resolving.org/urn:nbn:de:hbz:466:1-64340)

anno ante Christi æram 923. interitum vero 901. Vtrum autem occubato tantum anno regni sui vigesimo secundo, vt volunt aliqui, an etiam velle videntur Eusebius, & auctor Chronici Alexandrini, an demum aut saltem labente certo non constat.

Quorundam supputationes falsa.

2. Fateor tamen difficilia mihi videri quorundam ratiocinia, qui Periodi Iulianæ 3797. exordium Achab collocant; mortem, anno 3817. Scilicet 20. anno 3797. iniit primus annus Achab; anno sequenti, hoc est, 3818. & sic deinceps. Hoc autem modo non inchoabitur annus 22. Achab regnum 3818. Periodi: ac proinde Achab ne vno quidem die annum regnerit, si anno Periodi 3797. rex factus, anno 3817. occisus est. Simile reputo Caluissij deprehenditur dum initium regni Achab notat anno 923. interitum 903. sic enim non dat Achabo annos integros, 22. Nam si anno illo ante Christum 923. aperitur annus primus Achab eiusdem 22. anno demum ante Christum nongentesimo secundo aperitur hunc autem annum ex Caluissij supputatione Achab non peruenit ad præcedenti ex vulnere occubuit & Ioram parenti successit vt dilertissime firmat Sethus, idque cyclo Solis 1. Lunæ 9. qui sunt characteres anni 905. Eodem parachronismo abutitur Capellanus in descriptione mortis regni Achab adscribit anno ante Christum 925. si enim vixisset Achab non diceretur ait Achabum attingisse annum regni 22. in Iulio vtroque tempore qui terminos assignat annum ante Christum 925. & 905. ac promissa pugnat.

III. REGVM XXII. v. 41. QVÆSTIO XIV.

De annis Iosaphat regis Iuda.

Scriptura sententia.

1. Iosaphat vero filius Asa regnare cepit super Iudam anno quarto Achab regnavit in Ierusalem. Eadem repetuntur 2. Paral. 20. v. 31. contentientibus in fonte & translatione septuaginta Romanensi, in vtroque loco iam in hoc libro cap. 16. post versiculum 28. sic habet: Et in anno vicesimo regnat Iosaphat filius Asa, annorum triginta & quinque in regno suo, & regnavit annos regnavit in Ierusalem. Quæ lectio aut mendosa est, aut indicat lectionem regni initia esse tribuenda, quorum unum cum anno vnde cetera current.

2. Nonnulla Græca exemplaria hoc lib. cap. 22. v. 42. habent Iosaphat regnavit annos 40. cum regnare cepisset: sed vel erronea sunt, aut forte in numerum 40. vsurpant neglectis quinquennij fractionibus.

3. Annos porro 25. regni Iosaphat Chronologicos esse, atque adeo à morte
 A. numerandos, communis auctorum sententia declarat. Vt Eusebij, Sulpi-
 ij, Iuliani, Nicephori Const. Hilarionis, Chronici Alex. Vincentij, Hermanni
 Contr. Mariani Scoti, Adonis, Tornielli, Saliani, Petauij &c.

*Regnat 25
 annos
 Chronol.*

4. Esti verò Iosaphat dicatur fuisse 35. annorum, quando regno potitus est,
 & 25. annos regnasse: non licet tamen inde colligere totius vitæ illius spatium
 sexaginta duntaxat annis circumscriptum fuisse. Anni enim 35. ætatis illius re-
 ferri possunt ad tempus aliquod, quo viuente adhuc Asa regnum Iosaphato est
 collatum, quod 25. annos post obitum parentis administrauit, vt de Salomone
 supra notauimus ex sententia S. Hieronymi, Mariani Scoti, Abulenſis. Tyronibus
 autem mirum videri non debet, si vni regi plura regnandi initia adscribantur: id
 enim communis doctrina adstruit, quam præter istos tres auctores iam lauda-
 tos amplectantur Richardus de S. Victore, Lyranus, Sanctius de Ioa & Iero-
 boam regibus Israel, 4. Reg. 1. v. 17. & cap. 3. v. 1. De iisdem, de Ioram filio Iosaphat,
 de Ioram filio Achab, de Iechonia rege Iuda, tradit Petauius lib. 9. ca.
 37. Tornicellus, Salius, &c. Imò Paludanus vult regem Asa regnare cœpisse
 non modo, ab obitu parentis sui Abiæ, sed etiam ab anno vndecimo Roboa-
 mi, in regni societate parente & auo supersticibus vocatum. Enimuerò cum
 Asa graui sæpe bello lacessitus fuerit, nec miseram vicini regni catastrophem ig-
 norare iustam habuit causam, cum filium Iosaphatum non modo regni so-
 cium adsciret, sed subditis etiam assentientibus solium eius confirmaret. Vn-
 de Iosaphatus per interualla sæpius regnasse merito credi potest. Anni verò qui
 eius regno adscribuntur ab excessu parentis computantur: quod in alijs regi-
 bus etiam obseruatur.

*Vnde hi
 25. anni
 profuanti*

III. REGVM. XXII. v. 32.

Ochozias autem filius Achab regnare cepit super Israel in Samaria anno septimo
 decimo Iosaphat regis Iuda, regnavitque super Israel duobus annis.

QVÆSTIO XV.

De annis Ochozia filij Achab regis Israel.

1. Aluſius anno ante Christum 904. vult Ochoziam, quem Ahaziam vocat
 regem Israelis à patre designatum: anno sequenti Ioramum fratrem
 Ochoziæ regnum Israelis Achabo parente mortuo adijſſe, & annis 12. admini-
 ſtraſſe. Qua ratione licet Scriptura duos annos Ochoziæ & 22. Achabo depu-
 tet, vtriusque tamen tempus Chronologicum 20. annis completis adstringit.
 Annum enim ante Christum 903. quo inchoabatur vigesimus primus regis
 Achab, putat primum Iorami fratris Ochoziæ, filij Achab.

*Opinio
 Serhi.*

Quest. Chron. P. 2.

2. Pa-

12.
 filippi

onologia
 Testamenti

IV
 7